

vom Ybenstogke, und hat yme dy mit dem grasze gegeben vor 54 goldin. Wil her dy wider lozen, alz obin geschr(ieben) stet, vor dy obgenanten 54 golden, das sal ym Peter nicht vorsagen. Geschit des nicht darnach, wenn czwey jar vorgangen sint, so sal dy wise Petirs vom Ybenstogke und syner erben rechte erbe bliben vor dy obgeschr(iebene) summe goldis, her wolle yme den kein willen icht darczu geben. Actum anno quo supra die Viti.

a) alles durchgestrichen

273.

1415 --

Nennung von Bürgermeister und Rat.

fol. 41r Acta de anno domini M CCCCXV coram rectori (!) consulum Heinrich Kaldenkoch et sociorum eius Conrad Bernhard, Francisco Treutwin, Hermano Marqward, Petro de Ybinstogke, Johann Jacoff, Mattis Morbyr, Martino Goltsmyde, Nickel Schifermesser, Conrad Planer, Hanszen Otten et Joste Peusenkese.

274.

1415 Oktober 5

Seelgerütestiftung der Frau Margarete Cramer.

fol. 41r Wisset das vor uns komen ist in unsern sitzenden rat frawe Margaretha Cramerin und hat mit guten wolbedachten mute ir sellgerethe bestalt, alz hernach geschribn stet, mit uns dem rate und allen unsern nachkomen reten, das wir dy czehen goldin jerlichs czinses, dy sy uff ein widerkouff uff^{a)} unserm rathusze hat, eynen golden iczlich jar besundern czu yrem begengnisze irer jargeczit geben sullen ^{b)}dem schulmeister 2 gr, synen gesellen ein gr und iczlichem capplan ein gr und dy andern 12 czu eyne selbade, das man begehen und halden sal mit dem almoszen umme allirheiligen tag^{b)} und umbe dy 9 goldin sullen wir alle jar^{c)} jerlich geben und darumbe kouffen getreide und fleisch, so wir meiste mogen und czwene usz unszerm rate darczu bestellen, das das getreide gebacken werde und brot und fleisch gar und gancz armen notdorftigen luthen ggeben werde, das sal man ewiglich eyns in dem jare thuen umbe allirheiligen tag, so getreide und fleisch am besten kouffe ist. Ouch ab is qweme, das wir rat adir unsere nachkomen rethe dy czehin goldin abelozen wollen, so sullen wir adir unsere nachkamen dy czehin golden an gewisse stete mit dem gelde czu czinse bestellen, das ewiglich alle jar das selgerete gehalden werde, alz vorgeschriben stet, wenn sy ir ganczen glouben und getruwin by den reten, dy iczunt sint adir in czu kunftigen cziten^{a)} werden,^{d)} das sy das selgerethe